

Folia inferiora sæpius alterna, non raro tria vel quatuor fasciculata, superiora præsertim floralia opposita, oblonga, vel cruciformia, obtusa, basi in petiolum brevem attenuata, supra nitida, glaberrima, integerrima.

Flores verticillati, conferti, axillares, breve pedunculati, albi.

CAL. *Perianthium* pentaphyllum, subrotundum: *foliis* subrotundis, obtusis, margine tenuibus; persistens.

COR. monopetala, decempartita; *Tube* laxo, brevissimo, laciniis alternis exterioribus erectis, longioribus, oblongis; lateribus incurvis; alternis interioribus brevioribus, latioribus, ovatis, acutis, conniventibus versus stylum, germen laxè obtegentibus.

STAM. *Filamenta* quinque, subulata ad basin laciniarum exter. & ab illis pæne involuta, erecta. *Anthera* oblongæ, incumbentes.

PIST. *Germen* globosum, parvum, in fundo corollæ. *Stylus* filiformis, staminibus brevior. *Stigma* simplex.

Fructum non vidi, licet toto anno copiosissime flo-
ruerit.

Cumanensibus PACURERO.

A. Rhamno ergo differt calyce & situ staminum; a
Barbasco laciniis exterioribus erectis, interioribus
conniventibus & corolla multo breviorè.

Suspicio cuspides ferratas in Sideroxylo Gen. Pl. 186.
esse lacinias interiores corollæ.

79. CONVULVULUS.

Hujus tres varietates, vel si vis species legi, Pistillo præci-
pue a Convulvulis distinctas.

1. CONVULVULUS foliis subrotundis, caule repente. Spec.
Pl. 157. 18.

Radix fibrosa, annua.

Caules plures, filiformes, undique diffusi, spithamales ad
bipedales.

Folia elliptica vel ovata, acuminata, subsessilia, integerrima.

Flores